

Upravni odbor Udruženja forenzičkih revizora u Bosni i Hercegovini (u daljem tekstu:Udruženje), na sjednici Upravnog odbora održanoj u Sarajevu dana 09.06.2015. godine

PRAVILNIK

O EDUKACIJI I CERTIFIKACIJI KOD UDRUŽENJA FORENZIČKIH REVIZORA U BOSNI I HERCEGOVINI

I OPŠTE ODREDBE

Član 1.

Ovim pravilnikom propisuje se postupak, uslovi i način edukacije i certifikacije kod Udruženja forenzičkih revizora u Bosni i Hercegovini (u daljem tekstu: Udruženje).

Ovim pravilnikom propisuju se uslovi, te način sticanja zvanja “ovlašteni forenzički revizor” i postupak obavezne kontinuirane edukacije za certificirane forenzičke revizore kao i uslovi za obnavljanje certifikata za zvanje ovlašteni forenzicki revizor.

II EDUKACIJA U ŠKOLI ZA FORENIZCKE REVIZORE

Član 2.

Udruženje je obavezno da organizuje stručnu edukaciju i predavanja u okviru Škole za forenzičke revizore , s ciljem:

- a) sticanja uslova za pristupanje polaganju ispita za sticanje zvanja ovlašteni forenzički revizor i dobijanje certifikata o završenoj edukaciji i stečenom zvanju,
- b) kontunirano osvježavanje znanja za ovlaštenog forenzičkog revizora.

Stručna predavanja iz stava 1 ovog člana obavljat će se prema programu edukacije, koji je sastavni dio ovog Pravilnika.

III USLOVI ZA PRISTUPANJE ŠKOLI ZA FORENZIČKE REVIZORE I POLAGANJU ISPITA ZA STICANJE ZVANJA OVLAŠTENI FORENZIČKI REVIZOR

Član 3.

Pravo pohađanja nastave u Školi za forenzičke revizore imaju sve osobe koje zadovoljavaju sljedeće uslove:

- visoka stručna sprema ili 240 ETCS bodova;
- pet godina radnog iskustva, ili posjedovanje certifikata “ovlašteni revizor” ili certifikata “ovlašteni interni revizor”;
- izjava o nekažnjavanju;
- potpisan Kodeks profesionalne etike Udruženja;
- uplata naknade za sudjelovanje u Školi za forenzičke revizore

IV NAKNADA ZA SUDJELOVANJE U ŠKOLI ZA FORENZIČKE REVIZORE

Član 4.

Visina naknade za sudjelovanje u Školi za forenzičke revizore biće određena posebnom odlukom koju će donijeti Upravni odbor Udruženja.

Članovi su obavezni da, prije početka sudjelovanja u edukaciji uplate puni iznos naknade na račun Udruženja.

Član 5.

Članovi Udruženja koji posjeduju zvanje ovlašteni forenzičkog revizora, a čiji su certifikati za navedeno zvanje izdati van teritorija Bosne i Hercegovine, dužni su uplatiti 50% od ukupnog iznosa naknade iz stava 1. člana 4, uz obavezno polaganje potrebne razlike.

V USLOVI ZA PRISTUPANJE POLAGANJU ISPITA ZA STICANJE ZVANJA OVLAŠTENI FORENZIČKI REVIZOR I NAČIN POLAGANJA ISPITA

Član 6.

Članovi koji su uspješno odslušali stručna predavanja u okviru Škole za forenzičke revizore imaju pravo da pristupe polaganju stručnog ispita za sticanje zvanja ovlašteni forenzički revizor.

Član 7.

Ispit za sticanje zvanja ovlaštenu forenzički polaže se pismeno pred ispitnom komisijom, koju imenuje Upravni odbor Udruženja.

Član 8.

Ispitna komisija sastoji se od predsjednika i najmanje dva člana.

Upravni odbor prije početka svakog ciklusa predavanja u okviru Škole za forenzičke revizore imenuje članove Ispitne komisije.

Član 9.

Predsjednikom i članovima Ispitne komisije mogu se imenovati samo osobe koje imaju zvanje magistra ili doktora nauka i odgovarajuće iskustvo iz oblasti koja je predmet ispitivanja.

Član 10.

Programom Škole za forenzičke revizore ce se odrediti oblasti iz kojih ce se vršiti provjera znanja.

Ispitna komisija je odgovorna za zakonitost provodenja stručnog ispita.

V CERTIFIKAT O STEČENOM ZVANJU OVLAŠTENOG FORENZIČKOG REVIZORA

Član 11.

Nakon položenog stručnog ispita, Udruženje dodjeljuje certifikat o stečenom zvanju ovlaštenu forenzički revizor.

Članovi koji se stručno usavršavanju pohađanjem seminara i stručnih skupova, dužni su da dostave potvrdu o prisustvovanju spomenutim seminarima i naučnim skupovima u trajanju od najmanje četrdeset sati godišnje, od čega edukacija od strane Udruženja mora biti najmanje 20 sati godišnje.

Članovima koji se bave naučno-istraživačkim radom iz oblasti forenzike racunovodstva, revizije i kontrole i finansija i koji o tome dostave validan dokaz, navedeni rad priznaće se kao stručno usavršavanje koje je potrebno za obnavljanje certifikata iz stava 1 člana 11.

VI STRUČNO USAVRŠAVANJE OVLAŠTENIH FORENZIČKIH REVIZORA

Član 12.

Svi ovlašteni forenzički revizori dužni su se kontinuirano usavršavati nakon sticanja certifikata iz stava 1 člana 13, radi unapređenja struke i stvaranja uslova za produženja važnosti certifikata iz stava 1 člana 11, a u skladu sa odredbama ovog Pravilnika.

Član 13.

O stručnom usavršavanju članova vodiće se posebna evidencija u bazi podataka kod sekretara Udruženja.

Član 14.

U svrhu vođenja evidencije o stručnom usavršavanju, svaki ovlašteni forenzički revizor dužan je sekretaru Udruženja dostavljati:

- podatke o objavljenoj knjizi, priručniku ili članku, te o stručnim i naučnim radovima iz oblasti forenzike, računovodstva, revizije i kontrole i ostalih srodnih oblasti,
- potvrdu o održanom predavanju po pozivu ili aktivnom ili pasivnom sudjelovanju na stručnom ili stručno - naučnom skupu ili seminaru, i
- druge dokaze vezane za aktivnosti usavršavanja i upotpunjavanja znanja iz područja forenzičke revizije i srodnih oblasti.

Član 15.

Ovlašteni forenzički revizor koji iz opravdanih razloga npr. zbog: bolesti, porodijskog odsustva, rada u inostranstvu, nezaposlenosti i sl., nije bio u mogućnosti kontinuirano u razdoblju od jedne godine obavljati stručno usavršavanje prema odredbama ovog Pravilnika, može Upravnom odboru Udruženja podnijeti zahtjev za produženje razdoblja stručnog usavršavanja. Zahtjev mora potkrijepiti valjanim dokazima.

Upravni odbor Udruženja će o zahtjevu iz stava 1 ovog člana odlučuje rješenjem.

Ako je zahtjev osnovan, Upravni odbor će odrediti produženje razdoblja stručnog usavršavanja, koje ne može biti duže od godinu dana.

VII PRELAZNE I ZAVRŠNE ODREDBE

Član 16.

Program Škole za forenzičke revizore (prilog 1) sastavni je dio ovog Pravilnika.

Član 17.

Sve izmjene i dopune ovog Pravilnika donosi Upravni odbor Udruženja.

Član 18.

Primjena ovog Pravilnika počinje danom donošenja.

Sarajevo, 09.06.2015. godine

Upravni odbor

Alma Delić, predsjednik UO